



Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14), a nakon provedenog konkurentskog zahtjeva za dostavu ponuda, zaključen je

## **UGOVOR O NABAVCI LOŽ ULJA EKSTRA LAKOG**

Između:

1. **JAVNE USTANOVE PSIHIJATRIJSKA BOLNICA KANTONA SARAJEVO**, ulica Nahorevska 248, koju zastupa direktor Ahmić dr Muhamed spec. neuropsihijatar (u daljem tekstu: Ugovorni organ) i
2. **PETROL BH OIL COMPANY D.O.O.**, ulica Tešanjnska 24A, koju zastupa direktor Gregor Žnidaršič (u daljem tekstu: Dobavljač).

### **I PREDMET UGOVORA**

#### **Član 1.**

Predmet ovog Ugovora je nabavka roba – lož ulja ekstra lakog, za potrebe Javne ustanove Psihijatrijska bolnica Kantona Sarajevo, a prema prihvaćenoj ponudi broj: 75/19 od dana 21.05.2019. godine, koja je sastavni dio Ugovora.

#### **Član 2.**

Ugovorni organ naručuje predmetnu robu iz člana 1. ovog Ugovora, a Dobavljač prihvata da isporučuje istu, a na osnovu provedenog konkurentskog zahtjeva za dostavu ponuda te dostavljene ponude sa najnižom cijenom (broj: 75/19 od dana 21.05.2019. godine).

#### **Član 3.**

Realizacija Ugovora će zavisiti od potreba Ugovornog organa.

### **II CIJENA, KOLIČINA I NAČIN PLAĆANJA**

#### **Član 4.**

U obim roba iz člana 2. ovog Ugovora podrazumijevaju se sljedeće robe po prihvaćenim cijenama (Prema specifikaciji iz Obrasca za cijenu ponude, nakon provedenog konkurentskog zahtjeva za dostavu ponuda i prihvaćenoj ponudi broj: 75/19 od dana 21.05.2019. godine).

#### **Član 5.**

(1) Dobavljač se obavezuje da robu fakturiše istog dana kada je isporučio robu, na osnovu otpremnih dokumenata (otpremnica, radni nalog i sl.) potvrđenih od strane Ugovornog organa da je robu preuzeo.

(2) Dobavljač je dužan isporučivati robu sukcesivno Ugovornom organu na osnovu dobivene narudžbenice i to po potpunosti isporuci robe iskazane na narudžbenici.



(3) Ugovorne strane su saglasne da se ugovorena cijena neće mijenjati za vrijeme trajanja ugovora, osim u slučaju kada dođe do pomjerenja cijena na tržištu za više od +/- 5%, a prema podacima Agencije za statistiku BiH.

(4) Ugovorni organ će plaćati fakture za isporučenu robu u roku do 30 (trideset) dana od nastanka obaveze iz stava (1) ovog člana.

(5) Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

### III ROK, MJESTO I NAČIN ISPORUKE ROBA

#### Član 6.

(1) Odabrani dobavljač se obavezuje da isporučuje robu sukcesivno u skladu sa narudžbom ugovornog organa (količina i kvalitet), kako je predviđeno tenderskom dokumentacijom u skladu sa pismenom narudžbenicom Ugovornog organa, a najkasnije u roku do 24 sata od momenta prijema pismene narudžbenice.

(2) Dobavljač se obavezuje dostaviti robu Ugovornom organu, propisanog kvaliteta, u traženim količinama i u dogovoreno vrijeme.

(3) Mjesto isporuke roba: Javna ustanova Psihijatrijska bolnica Kantona Sarajevo, Nahorevska 248, 71 000 Sarajevo.

(4) Dobavljač se obavezuje da uz svaku isporuku roba dostavi i odgovarajuću potvrdu (certifikat) o kvaliteti roba, koji izdaje nadležna institucija.

(5) Dobavljač se obavezuje da prilikom isporuke roba koristi cisterne (prevozno sredstvo) sa baždarenim volumetrima za mjerenje količine robe i ispravnim crijevima za pretakanje goriva i pumpom za istakanje (termokompenzatorima). U slučaju da se u toku pretakanja ustanovi propuštanje goriva na crijevu za pretakanje, Ugovorni organ ima pravo izvršiti obustavu istakanja i cisternu vratiti Dobavljaču. Svu štetu koja nastane na podlozi i drugim dijelovima objekta uzrokovanu propuštanjem crijeva i spojeva dobavljač je dužan sanirati o svom trošku. Prilikom isporuke roba Dobavljač će sa Ugovornim organom usaglasiti količinu primljene robe na otpremnici Dobavljača, po osnovu utvrđenog stanja ugrađenih mjernih sondi ili baždarene mjerne letve i baždarenog volumetra sa termokompenzatorom, što će se evidentirati i u zapisniku o prijemu robe.

(6) Dobavljač je obavezan da robu isporučuje Ugovornom organu na osnovu pismene narudžbe ovjerenih i potpisanih od strane Ugovornog organa u dogovoreno vrijeme i prema važećem cjenovniku koji bude sastavni dio Ugovora.

(7) Dobavljač se obavezuje da će vršiti redovnu kontrolu kvalitete roba kod ovlaštene laboratorije uz certifikat o izvršenoj analizi kvaliteta roba koje su predmet isporuke.



(8) Dobavljač se obavezuje da će gorivo za grijanje koje je predmet isporuke biti kvalitete utvrđene važećim propisima o kvaliteti istog u BiH.

(9) Ugovorni organ ima pravo kontrole kvaliteta lož ulja putem ovlaštene laboratorije za kontrolu kvaliteta. Ukoliko se ustanovi da kvalitet isporučene robe nije u skladu sa propisanim standardom koji reguliše predmetnu oblast Ugovorni organ nije obavezan platiti isporučenu robu.

#### Član 7.

(1) Dobavljač se obavezuje da će isporuku robe koja je predmet Ugovora izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

(2) Ugovorni organ je dužan da dostavi pismeno obavještenje o svakom navodnom propustu Dobavljača po Ugovoru.

(3) Ugovorni organ će utvrditi razuman rok za ispravku propusta Dobavljača u smislu izvršene nabavke i isporuke.

#### Član 8.

Dobavljaču se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

#### Član 9.

(1) Robe utvrđene ovim Ugovorom moraju biti isporučene kvalitativno i kvantitativno kako je utvrđeno tenderskom dokumentacijom i zahtjevima Ugovornog organa.

(2) Ugovorni organ ima pravo stručnog kontroliranja kvalitete isporučene robe a Dobavljač je u obavezi kontrolu omogućiti.

#### Član 10.

Ponuda Dobavljača broj 75/19 od 21.05.2019. godine, na temelju koje je sačinjen ovaj Ugovor, čini sastavni dio istog.

#### Član 11.

(1) Ovaj Ugovor se zaključuje za ugovorni period do godinu dana.

(2) U slučaju eventualnih primjedbi Ugovornog organa na kvalitet i količinu isporučene robe, kao i u slučaju prestanka potrebe Ugovornog organa za daljom nabavkom lož ulja,



Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.

(3) Odredbe ovog Ugovora ne mogu se mijenjati nakon njegovog zaključenja.

#### IV UGOVORNE KAZNE I NAKNADA ŠTETE

##### Član 12.

(1) U slučaju kašnjenja u isporuci roba, do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

(2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Dobavljač nije mogao uticati niti ih predvidjeti.

(3) Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku dobavljača ustupi posao drugom Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

#### V ZAVRŠNE ODREDBE

##### Član 13.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

##### Član 14.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

##### Član 15.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

##### Član 16.

Ovaj Ugovor stupa na snagu danom potpisivanja obje ugovorne strane.

##### Član 17.



**Psihijatrijska bolnica  
Kantona Sarajevo**




**akaz  
akreditacija**

Ovaj Ugovor je sačinjen u 4 (četiri) istovjetna primjeraka, od čega svaka ugovorna strana zadržava po 2 (dva) primjerka.

DOBAVLJAC

Direktor

  
PETROL  
BH OIL COMPANY  
Sarajevo

Broj:

U-587/19

Datum,

18.06.2019

UGOVORNI ORGAN

Direktor



Broj:

06.4-1657/19

Datum,

06.6.2019



